

• 中國地圖及書簡、漢語

(2) Ching-tien

吐魯番一帶漢回地名對證

岑 仲 劍

俄國東方學者 N. Th. Katanoy 所著東土耳其斯坦民族記遺稿，係一八九〇—一九二年（清光緒一六一一八）寫成，業經 K. Menges 轉為德文，登一九三三年 A. P. A. W. 雜誌（一七三年——二九三頁），如得精德文者譯漢，固大有助於一般之西北研究也。其書第二十節略記吐魯番一帶地名，因舉所知漢名對之，庶讀其書者或免檢對之煩。惟邇來印刷困難，音標除可代用者外，餘悉省去，若必求其正確，則須覆按原書也。

(甲) 在柳中附近者

(1) Lykchyn

此即唐之柳中縣也。陳誠西域行程記作魯陳城。鄭曉四夷考作柳城。四夷館考作柳陳城。西域聞見錄二作魯古沁。西域同文志二作魯克察克，云：
「回語，攢簇之謂，其地居民稠密，故名，舊對音為魯克沁，漢柳中地，」既知地即古柳中，又信回語之誤解，良由轉末音為喉音收聲，故致失察。回紇譯華，開綴喉音聲尾，（如爐=lug）-ng 促收為 -u 者尤數見，（如仲=tsyan，堂=dan，公=qun）然王延德行記尚回譯此名曰六種，是知末音之讀法，所差甚微矣。斯文赫定南部西藏（卷八第三分下同）及斯坦因最腹裏之亞洲均拼作 Luk-chun。西域圖志一四云，色爾啓布西南距魯克察克二十里，辛卯侍行記六云：吐魯番廳城東南一百三十里，魯克沁。

腹裏亞洲謂王延德行經六鍾，即後漢書之六種云云，（五八二頁注六）按後漢書祇有柳中，無六種，斯氏誤。

西域土地人物略，「又西為北昌，又西為魯珍城兒，」北昌即闢展，侍行記已

有說，則魯珍應即柳中。

(2) Chiqtim

斯坦因圖作 Chiktam，此卽同文志之齊克塔木，而通典之赤亭，耶律希亮神道碑之鐵堠子（說見中山大學史學專刊一卷四期拙著二十六頁）。以 chik 對「赤」，固無疑問，亭、粵音 t'ing，可短促爲 tin（見前），而 n,m 鼻音通轉，唐代于闐音譯金剛經以 cum 對「衆」，以 kam 對「康」，亭之轉 tim 或 tam，可相例也。識略作齊克騰木，侍行記一作七克騰，是有時發音固與「亭」甚近，試觀吐魯番木刻柱文之新興谷，今稱 Singim（別見拙著略釋），tim 卽亭之遺音，益有確證。同文志云：「回語，齊克、長也，塔木、牆也，其他牆垣迤邐，故名，」按回語解釋地名，往往不可信，前人已嘗言之，「亭」義既失，於是訛轉爲「牆」(tam)。希亮之「鐵」，即 tim 之反譯，堠子與亭原一物，鐵堠子則地名之複詞單義者也。據西域圖志、齊克塔木東（西訛）距闢展七十里，侍行記作九十里。

謂赤亭、澤田皆七克騰之本音，創始於侍行記，近讀西域行程記，更得一鐵證。陳誠於永樂十二年二月十五日由哈密西行，約七十餘里，翌日，「十六日，晴明起向西行，有古城名臘竺，多人烟樹木，敗寺頽垣，此處氣候與中原相似，過城通行九十餘里，好水草，安營。」按唐納職縣舊址在今拉布楚喀，東距哈密一百四十里，（參拙著高昌補說九——三頁）臘竺卽拉布楚喀之促音，亦卽唐代納職（Nopehik）之轉變也。誠自此再向西進，十七日約行九十餘里，十八日約五十餘里，十九、二十兩日連行不息，其二十一日日記云：「已時分至一大草灘，傍有小山，山下有大泉，山上有土屋一所，地名赤亭，自十九日起入川，行經二晝夜約有五百里，方出此川。」由是約算，誠之行程，由臘竺至赤亭約六百餘里，比侍行記由三堡（與拉布楚喀近）行至七克騰爲六百里，數甚適合，然則七克騰之音，在明初人聽之，尙如「赤亭」也。誠于赤亭住一日乃行。其後又記云：「二十三日，晴早起向西行，中途有古城一處，約行九十里，有夷人帳房處，地名必殘，安營，住一日，」其九十里之數，又與聞見錄八記七克騰木至闢展九十里合，然則必殘卽闢展。陶氏七克騰卽赤亭之考證，至是可謂鐵案不移矣。

近人金祖同氏引伯希和跋謂赤亭卽階亭（說文月刊一卷四五〇頁），已曾於突厥集史卷十一略有辨正，今不贅，旣獲上證，斯無煩曉論矣。

抑亭之遺稱，今天山南路尙多見之。腹裏亞洲云：有廢阜隆起，名曰 Tim，足知古時大道，取途於此，因時常掘取肥料，此瞭臺已變爲磚土殘堆，然其基脚顯是踏實之土構成，方約五十三呎，高尙達十八呎，殘臺自基上突出，今僅及八呎，上頂則約方二十六呎，磚體之大爲 $15 \times 7 - 8 \times 3$ 吋，各箇間有蘆葦層隔之，余敢信爲漢代守望之遺跡也（七八八頁）。余按此當漢、唐堠亭之殘址，爲斯氏所說。同書又言 Kuduk 道上有廢阜名 Tim，斯氏疑是古代墳地，然發掘無所得（七〇頁）；又沿且末河邊行，有小廢阜名 Tim，斯氏疑是窣堵波之殘基，亦乏明據（一五九頁）；又回庫車時路經一小村名 Tim，其得名聞本自附近之廢阜，以過於毀壞，未能辨其本原（八二一頁）；此外同氏實測圖中，以 tim (或 tam) 為名者數仍不少，就余觀之，凡皆肅州道上之所謂「亭」也（同書四〇〇頁）。不然，何來如許多數之同名耶。惜斯氏未能逕覽漢籍，又弗審言音轉變，遂致滋生猜擬矣。

(3) Pichan

闢展卽唐之蒲昌縣，說見拙著麴氏高昌補說（聖心二期二七——八頁），其異名今不複舉。同文志云：「闢展、回語，草積之謂，」亦已於彼文辨之。突厥譯唐，以「呂」爲 li，故 pi 同於蒲矣。依侍行記，自闢展西行凡二百有八里至吐魯番漢城。

(4) Shoge

當卽斯坦因氏圖之 Shurge，同文志之楚輝也；志云：「楚輝回語，新苗之草。」據西域圖志，楚輝東北距闢展二十里，西距魯克察克五十里。識略作舒歸。

(5) Xan-Du

南部西藏作 Xando，最腹裏之亞洲作 Khando。西域圖志作罕都，云：「罕都在連木齊木東北二十五里，東南距闢展城一百里，有土城，西南有小山，上有二墩，相傳漢時所築，並訛稱其名爲漢墩，」新疆識略三卽作漢墩。余按侍行

記自闢展西北行三十二里云：「右有高阜，挖一穴以憩行人，東北有郵曰漢墩，」則漢墩西南去闢展祇約三十里，圖志誤多差七十里，今圖志一四各地名下所書相距里數，率失之出，往往多百餘里（參高昌補說三〇頁），此亦其一因也。侍行記過漢墩後行三十一里卽至連木齊，與圖志數相近，知此之是，斯明彼之非矣。

(6) Lemdzin 南部西藏作 Lemjin，最腹裏之亞洲作 Lamjin，同文志曰連木齊木，云：「回語，連木、外燥內溼之地，齊木、有草之泥，其地土軟有草，故名。」侍行記云：「舊音勒木津，新疆識略作連木沁，」按識略三實兩名並見。回疆通志作勒木沁。圖志謂在闢展西八十里，侍行記計六十三里。人物略魯珍城兒下云：「城南有刺土，有蘆葦草墩，有懶真城……北爲羊黑城兒，」魯珍爲柳中，具詳前說，由言音求之，懶真當爲連木齊木，但其地在柳中東北，非在南，人物略必傳鈔舛訛也。羊黑城兒爲今洋赫，亦可推定，不過譯寫之異耳。

(7) Chuban-qur

以對音求之，卽西域圖志之玉門口也。志云：「玉門口在哈喇和卓西北十里，東距闢展城二百七十五里，（仲勉按未一數誤。）東北兩山陡立，徑寬平，內外皆有墩臺，舊有關名古玉門關，已毀，存□玉二小字可辨，爲土爾番及哈喇和卓往山北大路，入谷迤西北行十餘里出北口，東北十五里至森尼木，」森尼木今稱勝金，蓋勝金谷之口也。侍行記勝金口驛云：「驛前後皆山澗，水貫其中，疾流不冰，出北山木頭溝，西南流經此，又南過三堡至二堡，卽喀喇和卓，引渠溉田，三堡距驛十餘里，有九十戶，更南有峽曰玉門口，亦名小城子。」唐譯突厥 bagha 曰莫賀，buiruq 曰梅錄；回紇譯華則昧作 bai，萬作 ban，足見 m-與 b-發聲，在兩種語言中常互相轉變也。此名最腹裏之亞洲拼爲 Chuwankir，祇見六一〇頁附注中。

(8) Yutuq

此卽同文志之雅圖庫也；志云：「回語，遣人過往之謂。」回疆通志作丫頭溝，識略作雅土溝。侍行記云：「（二工）西南通雅圖庫，訛作丫頭溝，」與近

人黃文弼氏所稱雅圖庫非爲一地（參高昌補說五頁）。西域圖志云：「雅圖庫在色爾啓布北山口內七里，東距關展城七十里，東行有歧路，轉而西北，會於連木齊木，有小城。」又最腹裏之亞洲言自連木齊木東南行約二哩，再越過一高阜，即至 Yutogh，地臨發源罕都之深溪云（六一〇頁），南部西藏圖誤位諸連木齊木之正西。武昌圖之雅士（土）溝，應亦同地，惟位置不合。

(9) Singim

南部西藏作 Senggim，斯坦因氏圖作 Sengim。同文志曰僧尼木，云：「回語，回人呼其妹云爾；或云其子弟寄食於人之稱。」西域聞見錄作色更木，回疆通志——作勝金，即宋太宗時之新興谷也（見拙著吐魯番木刻柱文略釋）。興轉爲 gim，正與前文亭轉爲 tim 同例。西域圖志云：「森尼木在蘇巴什西北三十里，西（東訛）距關展城一百三十五里，有城，城西有長河南流。」（同書又別譯爲滲金口，見下文。）侍行記云：「森尼木一稱僧吉木，回云潮濕地也，今訛爲勝金臺，」其釋名與同文志異。

復次，侍行記有云：「下坡過橋爲勝金口驛，回呼愛克斯，」考斯坦因氏圖，勝金之西有 Sengim-aghiz，回語 aghiz aghzi，口洞也，地爲谷口，故云，乃通名，非專名，陶氏蓋誤會。

(10) Murtuq

斯坦因氏拼作 Murtuk，即同文志之穆圖拉克，而侍行記（引見前玉門口條）所謂木頭溝也。同文志云：「回語，悔罪不復犯之謂。」西域圖志云：「穆圖拉克在森尼木西北六十里，東南距關展城一百九十五里，不當孔道。」以今音證之，似當作穆拉圖克，識略又訛作穆爾圖拉克。

(11) Qara-Xodza

南部西藏拼爲 Qara Xoja，最腹裏之亞洲拼爲 Khara-khoto，人所熟知之元代哈刺火州也。同文志作哈喇和卓。（聞見錄哈拉，通志喀喇。）和綽本漢言高昌，歐陽玄早發之，同文志云：「回語，哈喇和卓，人名，傳有哈喇和卓舊居其地，故名，」亦回語誤解之一端（參高昌補說三——四頁）。

(12) Astane

兩斯氏書均作 Astana，同文志作阿斯塔克，云：「回語，阿斯、懸掛之謂，塔克，謂山，形如懸物，地以山名也。」余接回疆通志，新疆識略同稱阿斯(或斯)塔納，同文志蓋誤翻誤解。西域圖志云：「阿斯塔克在哈喇和卓西五里，東北距闢展城二百六十五里，有城，相傳其先國師所居，」按闢展在阿思塔納東南，志作東北誤，相距里數亦不合（說見前）。西域地名云：「考 A. Stein 在其地所得西州高昌縣武城城主范羔墓誌，此地應爲唐之武城，」今并附錄羔之專誌，以供參考。誌云：「神功貳年臘月戊戌朔，貳拾捌日景丁，西州高昌縣武城城上輕車都尉前城主范羔之靈，正月貳日亡，春秋七十有四，殯埋武城東北四里，恐後歲月奄久，子孫迷或不分，今立此，至後憑所依，神功貳年臘月貳拾捌日葬。」（最腹裏之亞洲一〇四三頁）按朔聞考聖曆元（即神功二）年臘月癸巳朔，非戊戌，L. Giles 跋疑因歲號戊戌而誤，殆可信，然是月二十八日亦不值丙或丁也。迷惑作迷或，唐世石刻往往見之。

人物略哈喇火州下云：「又西五十里爲我答刺城」，「十」字衍，火州西五里即阿思塔納，「刺」「納」乃 n 與 i 之轉。

(13) Yan-xi

南部西藏作 Yang-xi，斯坦因圖作 Yankhe，西域圖志曰洋赫，識略曰英格。西域圖志云：「洋赫在魯克察克西北二十里，東北距闢展城二百三十里，亦以金嶺爲屏障，有小城，東北爲東南之訛，與前條同，二百三十數誤。此地即人物略之羊黑城兒，說見前。」

(14) Sirkip

同文志曰色爾啓布，云：「回語，瞭高木臺也，」識略作色爾奇布。西域圖志云：「色爾啓布在楚輝西四十里金嶺下，東北（應作東南）距闢展城六十里，西南距魯克察克二十里，不當孔道。」

(15) Tygen-saq

漢名未詳，斯坦因圖色爾啓布南約哩許有地名 Toghan-su，當即其地。

(16) Supa-syji

即南部西藏之 Su-beshi，最腹裏亞洲之 Su-bashi。同文志云：「蘇巴什、

回語，蘇、水也，巴什、頭也，地有水源，故名。」西域圖志云：「蘇巴什在連木齊木西二十五里，東距闢展城一百五里，地有小堡，」據侍行記，則闢展至連木齊六十三里，再西三十二里爲蘇巴什。

(17) Lykchyn-kariz

kariz 最腹裏之亞洲作 karez，灌溉之渠也。侍行記譯爲坎爾，其自連木齊西行時記云：「又西多小圓阜，彌望累累，皆坎爾也。」坎爾者，纏回從山麓出泉處作陰溝引水，隔數步一井，下貫木槽，上掩沙石，懼爲飛沙擁塞也。（坎爾以千百計，水自地中通流一、二里或十餘里，至有土壤處洩出灌田，回疆多此。）其法甚古，（漢書溝洫志、引洛水井下相通行水。）西域亦久有之，（烏孫傳、宣帝時遣使者案行表穿卑鞮侯井以西，孟康曰，太井六通渠也。）今人動云林文忠所創，非也。」依此，則上名應云柳中坎爾或柳中渠，西域圖志魯克察克云：「東有長河，由色爾啓布西南流至其境，爲闢展東（西訛）最大聚落，」是也。

(18) Dighar-kaiz

最腹裏之亞洲作 Deghar，其書云，測量人離哈喇和卓後，取道土域溝，於二月六日至柳中，翌日進至 Deghar 小沃地，是爲吐魯番盤地東南隅之墾限矣。在柳中南約三哩半處，渡過自連木齊流來之闊河床，測得水流每分鐘可十七立方呎。由此至 Deghar，耕地祇散布，惟渠溉所及者見之（七四頁）。據圖，則 Deghar 約在柳中東南十哩許。敦煌本西州殘志云：「大海道，右道出柳中縣界，東南向沙州一千三百六十里，常流沙，人行迷誤，有泉井鹹苦，無草，行旅負水擔糧，履踐沙石，往來困弊，」依斯坦因圖，從柳中經 Deghar，確有路可南行，然則 r 乃語音之尾，degha 實唐言之「大海」也。

(19) Yan-Xi-kariz

洋赫已見前，此云洋赫渠也。

(20) Qara-Xodza-kariz

此謂哈喇和卓渠。西域圖志哈喇和卓云：「舊城已廢，民別居小堡，土膏肥美，水源北出金嶺下，經沙磧，至滲金口匯爲大渠，入哈喇和卓，」按滲金口今呼勝金口，與圖志之森尼木同語，蓋一名而兩譯者。

(21) Lykchyn-Chige-bulaq-kariz 舊譯布拉克，泉也。斯坦因圖有 Chige bulak，在哈喇和卓西南，吐魯番東南。

(22) Lykchyn-Abat-gun-shan

未三文未詳。

(23) Pichan-su-beshi

回語、蘇，水也，巴什、頭也，猶云闢展水頭。

(24) Singim-gun-shan

未兩文與前二十二條同，未詳。

(25) Lemchin-su-beshi

Lemchin 即前文第六條之 Lemdzin，猶云連木齊水頭。西域圖志連木齊木云：「有水經城西北流，四境皆平田。」

俄儒書又言自柳中至北山有 Kek-jar 橫臥，是爲谷口守望；按 Kek-yar (jar =yar) 回語云藍斷崖也，即回疆通志之呵呵雅爾。通志云：東呵呵雅爾卡倫距吐魯番城二百九十里，（識略三百里。）西柯柯雅爾卡倫距城二百里。（識略一百八十。）侍行記云：「闢展南皆大戈壁，其北九十里，柯柯雅爾。」鄯善鄉土志云：「柯柯雅山在縣城西北九十里，產煤，山內有水流出溝口，浸入沙內。」

(乙) 在吐魯番附近者

俄儒書云，自葛羅祿(Qarluq)山脈至烏魯木齊，其南爲綽羅塔克(Chel tagh)，其東爲沙山或古木塔克(Qum tagh)。按 chel 元朝祕史譯川勒，伯希和氏云：川勒，於現在中國新疆的突厥語中尙指荒野或沙磧地方，今庫車西邊與吐魯番之南各有一山，名川勒塔克（參西域南海考證譯叢續編四四——五頁）；依南部西藏，此塔克（即山）位柳中之南。又最腹裏之亞洲云：過 Deghar 界邊沙渠(Sai-karez)田莊後，植物即不復生長，惟河床尙達一哩以外，自川勒塔克側流至吐魯番盤地之溉道，當以此爲最極東矣（七四二頁）。復次，新疆山脈圖志二云：「綽羅特克嶺、綽羅特克水出焉，北流入於珠勒都斯河，案綽羅特克嶺在珠勒都斯

南支之南，焉耆府城西北，」其下引西域水道記爲證；按綽羅似亦川勒之異譯，但所指之地則與本文者異。

沙山見西域圖志二三，云：「在博斯騰綽爾南一百二十里，爲哈喇沙爾之南屏，山脈自額格爾齊塔克逾沙磧至此，岡巒亘亘，西接庫隴勒塔克。」山脈圖志二云：「案沙山在庫爾勒之東二百里，與庫爾勒山脈相接，緊傍博斯騰淖爾之南。」余按南部西藏圖自庫車東南至羅卜皆爲沙山 (*Kum-tagħ; kum=qum*)，斯坦因圖則柳中及闢展迤東南亦爲沙山。

(26) Turpan

歐文率拼作 Turfan，其古稱余別有考，今名則永樂十二年陳誠西域行程記始見之，云：「(火州城)向西北行平川地，約有七十里，至土爾番城。」四夷館考及鄭、葉兩四夷考均作土魯番。同文志云，「吐爾番、回語，積水之謂，相傳其地積水，故名。」侍行記云：「吐魯番之番字，纏回呼若潘，乾隆時此邦回人徙烏什者，以其故鄉之名名烏什曰圖爾璫，璫卽潘之對音也。蓋西州於晚唐爲吐蕃人所據，疑其時呼爲吐蕃城，音轉爲吐魯番耳，近人以蒙語(謂都會)回語(謂土塔)釋之，非探本之論。」殊不知藏人「自呼曰圖伯特，或曰條拜提，曰退擺特，」陶氏自注固嘗歷舉之，名內無流音，何緣轉爲「吐魯」乎。

(27) Toqsun

斯坦因圖作 Toksun。唐設天山縣，侍行記謂當在托克遜，較古之名爲篤進。考元和志，天山縣東至西州百五十里，西域行程記，自土爾番城西行三十里至崖兒城，又西南行約五十里，又向西行平川地，約行五十餘里，有小城，地名托遜。同文志乃云：「托克三，回語托克三，九十數也，九十戶居之，故名，轉音爲托克遜，」德儒 Le Coq 又謂本自 *toqtasun* 期望之意(據南部西藏四二二頁注二)，均非是。

(28) Turpan-Chige-Buleghi

Chige 見上第二十一條，此未詳。Buleghi 南部西藏作 *Bulayiq* 云，其地有基督教堂廢址，漢名 *Shui-pang*，(四一六頁；斯坦因圖作 *Shi-pang*，惟漢寫未詳。) 斯坦因圖作 *Buluyuk*，依圖求之，則同文志之布拉里克也。志

云：「回語，布拉，劫奪之謂。」西域圖志云：「布拉里克在森尼木西北七十里，東南距闢展城二百五里，不當孔道，」又云：「穆圖拉克與布拉里克相去僅十里，」徵諸斯坦因圖，未兩地約距十五哩，蓋圖志所記布拉里克與森木克、闢展之距里均誤也（參上第五條）。侍行記，自勝金口行七十三里過沙河，云：「出北山，南流曰布拉里克，漢人呼爲蒲桃溝，又南經（吐魯番）城南之牙爾巴什莊，沒於沙，」則河之下流仍從源地爲名耳。雅爾巴什，斯坦因圖作 Yar-bashi。

(29) Tujnq

南部西藏作 Tuyoq, Toyoq，腹裏之亞洲作 Toyuk。西域圖志蘇巴什條云：「迤西入北山口，東西兩岸石壁峭立，或沙坡斜倚，谷間水流甚急，艱於行，名土域溝，」土域溝即其音譯，然按斯坦因圖，其地固在蘇巴什之西南偏南也。回疆通志云：「土玉溝在（吐魯番）城西北二百餘里，有巨土洞，相傳昔有七人一狗坐化其中，骸骨尚存，南北兩路伯克入觀，道經過此，必詣其處諷經，飾之以錦綵，光豔奪目，回人呼之曰聖人，」土玉溝當與土域溝同一語譯，但土域溝今在吐魯番東南三十餘哩，非在西北，由腹裏亞洲所記（六一五頁）觀之，通志顯誤。

敦煌本西州殘志云，「丁谷窟有寺一所，并有禪院一所。右在柳中縣界至北山二十五里丁谷中，西去州二十里，寺基依山口構，揆巖疏階，鴈塔飛空，虹梁飲漢，巖蠻（巒訛）紛紛，叢薄阡眠，旣切煙雲，亦虧星月，上則危峯迢遞，下（則）輕（溜）潺湲，實仙居之勝地，諒栖靈之祕域，見有名額，僧徒居焉。」按今土域溝位柳中北，高昌（哈喇和卓，即唐西州治所。）東，相距里數亦合，tujnq 蓋「丁谷」之遺音也。丙丁之丁，回譯或作 tu，由是可轉爲 tu；又蒙古語之 g- 常變爲 j-，依此還原，則 Tujnq=tu-juq=ti(ng) guk，謂非唐之丁谷而何（例如四一條之平 = Pu）。至該窟殘跡，腹裏亞洲有照片數幅（六一四頁），參閱之更明。

(30) Tujuq-Su-beshi

猶云土域溝水頭也。

(31) Turpan Kariz

吐魯番渠也。西域圖志土爾番云：「北倚金嶺，嶺麓有泉南流，周繞國城，民田資其灌溉，地廣土肥。」

(32) Yemshi

斯坦因圖作 Yemshi，南部西藏有 Yakhshi，疑即同地。同文志云：「雅木什，相傳其地多鹽池，舊有漢人居之，因習漢語，後遂訛爲雅木什云。」西域圖志云：「雅木什在招哈和屯西南十五里。」按梁四公記，高昌有鹽城，往歲余據對音求之，疑雅木什即其遺址，然未獲佐證（高昌補說二四——五頁）。今除同文志所言相符外，陳誠西域番國志亦云：「鹽澤在崖兒城之西南，去土爾番城三十餘里，城居平川中，廣不二里，居民百家，城中有高塚二處，……城北有矮山，產石鹽，堅白如石，可琢磨爲器以盛肉菜，不必和鹽，此鹽澤之名是也。」又云：「崖兒城在土爾番之西二十里，二水交流，斷崖居中，因崖爲城，故曰崖兒，廣不二里，居民百家，舊多寺宇，有石刻存，古爲率帥國王所居，後復立交河縣治，今併入土爾番焉。」（二十里，西域行程記作三十，率帥是車師之訛寫。）崖兒城即下四九條之 Yar-khoto（招哈和屯），二十里再加招哈和屯西南十五里，便是三十餘里，雅木什即鹽澤，鹽澤又即古之鹽城，可據上兩證而同時解決矣。

(33) Toqsun Kariz

托克遜渠也。西域圖志三三云：「托克山水凡二道：一發源於東面大山之麓，溫泉漫流沙磧間，經一百五十餘里，匯入河流；一發源於烏魯木齊之東山，積雪所融，流注南行，離城二十里許，與泉水合爲托克三郭勤，藉溉田畝，於乾隆二十二年試墾地六千五百五十畝，二十三年增墾地一萬一千一百五十畝。」

(丙)其他

(34) Lop

俄儒書云：屬於柳中者尚有 Lop。按 Lop 即唐之納縛波，其轉爲流音發聲，則始於元代之羅卜，說詳本集刊十一本一分拙著元代天山南路設驛之今地。

(35) Hasar

俄儒書又云：由柳中至羅卜，中間有城名 Hasar。據斯坦因圖柳中西南八哩許有 Chong-hassar 城，稍東有 Kichik-hassar 城，chong 大也，Kichik 小也。

按回疆通志，乾隆四十五年，將蘇賚滿入官地畝分爲九屯，其一曰赫色爾，識略作和色爾圖拉，（圖拉，回語 tura，鈍圓錐形之土瓦建築物。）即其地。

(36) Daqjanus

腹裏亞洲作 Dakianus-shahri，即亦都護城 (Idikut-shahri，黃文弼氏譯爲伊地庫特賽里，見北大國學季刊三卷一號。) 之通俗名也，地在今哈喇和卓之西南，西域圖志所謂「舊城已廢」者是也。

Dakianus-shahri 之稱，既屬通行，顧未見語解，歐儒亦無所說明，殊爲可疑。余近從亦都護城一名思之，乃恍然有悟，蓋高昌畏兀兒之先曰月仙帖木兒亦都護，其子巴而朮阿而忒的斤，始自附於元太祖，三傳至火赤哈兒的斤，嗣爲亦都護，是城可名亦都護，斯可名的斤也。的斤本特勤 (tegin) 異譯，(今北平呼如 ti kin) 以 dakian 與 tegin 比，不過前一音由清變濁，後一音由濁變清，此殆受蒙古語所影響，又 -us 應是尾綴。中亞之 dihqan，余嘗獨立的證明其與 tegin 同一語原，dakian 或 dihqan，轉變之途，初無二致，合而參之，故知 Dakianus-shahri 必的斤城之謂也。其國主既具兩銜，故兩名皆可適用，惟的斤（或特勤）遠視亦都護爲普見。（突厥史稱特勤者不可勝數，若 Idikut 則唐史未見相當之譯音，祇突厥文磨延啜碑一見之耳。）此又的斤城比亦都護城更爲通俗之原因也。

(丁) 清代著述所見名稱

見於清代著述（清內府地圖諸異名未錄）而上文未舉者，尚有：

(37) 塔呼

同文志，「回語塔呼，謂雞也。」西域圖志，「塔呼東接鎮西府屬之托來達巴一百四十里，爲闢展東境，西距闢展城二百八十里。」按湖北圖梧桐窩西有塔庫，當即其地。又回語謂雞曰 taqaghu，惟檢諸西人圖，尚未得見。

(38) 納呼

同文志，「回語、納喇奇之轉音也，指彼處而言。」西域圖志，「納呼在塔呼西七十里，西距闢展城二百一十里，四圍皆山，濱湖之地可駐牧，其西谷口狹而深，爲闢展東境關隘。」侍行記，「西鹽池驛（鎮西）舊名納呼，四圍皆山，無

民居，無樹木。」按南部西藏及斯坦因圖均作 Hsi-yen-ch'ih（西鹽池），約當英東經九十一度，北緯四十三度廿分。納喇奇卽回語 nereje，何處也。

(39) 特庫斯

同文志，「回語，見之明也，蓋瞭望處。」西域圖志，「特庫斯在特斯西二十里，西距闢展城二十里，有墩有臺，有水北流，名巴哈，言小也。」按南部西藏作 Toquz，謂「九」也，與同文志釋異。斯坦因圖則作 Tuguz-karez。回疆通志之禿古斯卡倫，亦其異譯。

(40) 特斯

同文志，「回語，謂快，亦瞭望處，言得信捷也。」西域圖志，「特斯在齊克塔木西三十里，西距闢展城四十里，有墩有臺。」侍行記，「六十里墩（回名特斯）無人家，道左小山有烽臺。」據記，特斯至闢展行六十四里，比圖志所載較長，卽斯坦因圖之 Taze，快也。

(41) 勒木丕

同文志，「回語，夏日支棚，以迎涼氣也。」西域圖志，「勒木丕在阿斯塔克西南二十里，……有小城，南抵沙磧，西南行四百里至羅布淖爾。」余按斯坦因圖，哈喇和卓西約十五哩處有 Lampu-karez，當即其地，圖志記里殆失。入勒木丕相當於新唐志之南平城，十年前余早經證定（高昌補說二二頁），今考納(n-)轉羅卜(l-)，見前第三十四條，又回文譯華，以 pi ti 當「除滿平定」之平定，則謂 Lampu（或 Lampi）爲南平之遺音，益有徵據矣。

(42) 布干

同文志，「回語，布、指此地而言，干、官牧廠也，其地有之，故名。」西域圖志云：「布干在安濟彥西南三十里，……有城，周二里許，山北有泉，名哈畢爾噶，南流成大澤，在磧中，」以指方求之，應爲聞見錄八土爾番西「七十里布幹」之布幹（斯坦因圖 Began-tura），對音雖較近，但居安濟彥西北，非西南。

抑大慈恩傳之無半城，余曾擬爲圖志之布干（高昌補說二三頁），玄奘西赴焉耆，必經 Began-tura（布幹臺）以達托克遜，絕無疑問，圖志之有城周二里許，亦合。惟余舊謂「布干合音同於半」，所釋尚未周愜；今試思之，蒙古語於字之

中間不能發 b 音，（例如也里可溫之音譯。） m- 轉爲 b-，例固常見，半之轉幹，其在蒙古時代歟。

(43) 伊拉克

同文志，「回語，伊拉、蛇也，里克、有也，地多蛇蟲，故名。按伊拉卽伊蘭。」西域圖志，「伊拉克在托克三西四十里，……有城周里許，北直都魯達巴，闢展西盡境也。」即南部西藏之 Ilanliq，回疆通志作伊拉克倫。

(44) 安濟彥

同文志，「帕爾西語，音都占之轉音也，暗、一數名，都、二數名，占、性命之謂，回人之命計口，甚言地隘僅容一、二口也；又云有安濟彥之人，居此遊牧，故以名之，安濟彥卽安集延部，在布魯特西境。」西域圖志，「安濟彥在雅木什西五里，……城周里許，不當孔道。」按此地卽斯坦因圖之 Ana jan-karez，在雅木什西南，又在布幹臺東南約六哩，識略作安吉彥。

(45) 汗和羅

同文志，「汗和羅，回語，汗稱其君之謂，和羅庭也，舊謂汗所建庭處，故名。」西域圖志，「汗和羅在森尼木東北一百里，……天山下，不當孔道，山形環抱，地勢幽敞，土爾番北鄙也。」按此名西圖未之見，斯坦因圖森尼木東北有 Chalkan-ghol，里距略近，然音不盡符，且 ghol 謂岬谷，非庭也。識略作罕和囉。

(46) 洪

同文志，「回語，墩臺也，其地有之，故名。」西域圖志，「洪在特庫斯南二十里，有城，當山谷口，東南通額什墨，西北距闢展城二十里。」按此卽斯坦因圖之 Hang，闢展在其西南，非西北。

(47) 蘇魯圖

聞見錄八，「七克騰木五十里蘇魯圖，圖志三一作四十里。」又侍行記，特斯，「十六里蘇魯圖，有草。」南部西藏作 Suluktu，云有水給之地也（三六〇頁）。

(48) 東湖

西域圖志闢展云：「城東八里有湖曰東湖，饒蒲葦，可畜牧，」南部西藏作 Dung-Xo，蓋從漢語音譯，但有一圖 (Pr. XXVIIIb) 又位諸楚輝西南，當別指色爾啓布南之東湖也（見待行記）。

(49) 招哈河屯

西域圖志，「招哈河屯亦稱交河城，在土爾番城西二十里，……招哈郭勒出其北，郭勒之水分道南流，環城左右，即漢時交河舊地也。」待行記，「今（吐魯番）廳城西二十三里之招哈和屯，一名雅爾河。」此即腹裏亞洲之 Yar-khoto 也，雅爾猶云斷崖，已見前。又西域圖志布拉里克條云：「又北爲塔里朗，地有小泉，足資灌溉，又西南有地名雅圖，西南踰小山抵安濟產，」今從斯坦因圖驗之，雅圖應即 Yar-khoto 之音略，亦即招哈和屯，編志者非覩審其地，故敍來一若毫無關係矣。塔里朗未詳。

黃文弼以雅圖庫爲亦都護城，昔年既深疑之（高昌補說四——五頁），今取第八條與本條比觀，益確見其誤；黃謂哈刺和卓在阿斯拉西約十里，「西」亦東之誤。（斯坦因圖連木齊稍西南別有一地名 Astana，學者幸勿與前第十二條之地誤混。）

(50) 蘇巴什

西域圖志托克三條云：「自此南行十里至蘇巴什塔克，又西行通哈喇沙泉，」同書三一，「蘇巴什臺自托克三臺西至此九十里，乾隆三十年由伊拉里克移此，」按南部西藏及腹裏亞洲，此名之回語排法，與前第十六條同，但彼在吐魯番東，此在其西，且同名者尚不止兩處也。

(51) 桂樹溝卡倫

回疆通志云：在吐魯番城東南二百三十里，識略作二百二十，回名未詳。

(52) 哈爾起布拉克卡倫

見輯略，止云距城二百里，又不舉方向，回名未詳。（稿成後再審之，知是六三條之異譯。）

(53) 陽和驛

見識略，據待行記，驛即在吐魯番城。

(54) 土墩子驛

據侍行記，西鹽池驛西南行一百有六里至此，云：「土墩子驛，（東半里有吐魯番界碑。）大墩在驛後，回名克勒克，（上有小廟。）泉在墩西北，（沙土下埋大石，由石隙出細流，不能飲百人，味鹹。）」斯坦因圖回名 Kiliklik。

(55) 英子樹

據侍行記，齊克塔木西南行十八里至此，云：「英子樹，回呼培而布拉克，（言泉水足也。）有郵舍樹木。」斯坦因圖回名 Birbulak，按 bir 回語謂「一數」或「給」也。

(56) 三十里墩

據侍行記，蘇魯圖西行十八里至此，云：「三十里墩，（回名哈克吐兒，謂烏鵲所宿也。）東阜有小泉，（南流溉田數畝）。纏回三家，有稅局，四周皆沙磧，迤西曰特庫斯，」當即斯坦因圖之 Kagha-tura 按 tura 一譯圖拉，釋見前。

(57) 東坎兒

據侍行記，三十里墩西行十四里至此，云：「東坎兒，夾道二小堡，（漢人亦稱柳樹泉）。村落相望，（纏回六十戶，漢人一家，屢受排擠。）樹以千計，北山漸遠。」按坎兒即同書坎爾（引見前）之異譯，渠也，依此，則東坎兒應爲斯坦因圖之 Chong-karez，猶云大渠，chong 與「東」蓋聆音小誤耳。

(58) 巴雜

此是通名，非專名，侍行記自東坎兒再西「十四里巴雜，（回語街市曰巴雜。）漢、回雜處，八九十家；」斯坦因圖作 Tungan-bazar，云東干巴雜也。

(59) 哈喇二工

據回疆通志，吐魯番之九屯，其一曰哈喇二工，又據侍行記，關展西北行五十三里至二工，再西十里曰連木齊驛；依此求之，哈喇二工似即斯坦因圖之 Kara-yagach，但又與西域水道二所記不盡符。

(60) 硜硜溝

侍行記，吐魯番西北行五十二里至，云：「蒙古語曰根特克，漢人訛爲硜硜溝，舊設蘆溝驛，今廢，驛使繞由托克遜小草湖也；」南部西藏圖作 Kindik，義

猶「蒂」或「島」也。

(61) 白楊河

侍行記，經經溝西北行一百有四里至白楊河站，舊設山陽驛，南部西藏圖作 Bai-yang-Xo，係從漢語音譯。

(62) 倦鼻城兒

明人西域土地人物略士魯番下云：「西二百里爲俺石城兒，（城南有俺鼻城兒，北有撒刺把。）又西五十里爲蘇把赤，（北有兔真城兒。）」按此略舛誤甚多，侍行記六曾爲校正其前段，今以對音及方位求之，俺石應即 Yamshi，蘇把赤應即 Su-bashi，兔真應即 Toksun，絕無疑義，蓋此數地皆在吐魯番西而哈喇哈失鐵城（即哈喇沙爾）之東者也。循此而推，俺鼻當爲斯坦因圖之 Dama，其地正居 Yamshi（俺石）之南，以 dam 為俺，想是審音不確。復次招哈和屯在吐魯番西二十里，雅木什又在招哈和屯西南十五里，則「西二百里爲俺石城兒」之二百，殆當作「五十」；又依西域圖志三一，吐魯番西至蘇巴什二百五十里，故又西五十里爲蘇把赤之五十，殆當作二百。人物略之 $200 + 50 = 250$ ，正與圖志數相當，第展轉抄傳，遂至後先錯亂，一經鉤乙，斯明、清志乘，說恰相符，校書之樂，何快如之。

(63) 奚者兒卜刺

西域行程記之托遜即 Toosun，已於前文見之，陳誠自托遜西行第一日約五十餘里，第二日約三十餘里，至有水草處，地名奚者兒卜刺，今以斯坦因圖求之，即 Arghai-bulak 其地也（南部西藏 Aighir-bulaq）。外語首冠母音之字，我國往往以 gh- 讀之，（見伯希和氏說。）故 ar 變爲 ha(r)，又兒尙讀如粵音 i，故 ar-gha-i 得爲奚者兒。倭仁莎車行記作阿哈爾布拉克。

(64) 大墩

莎車行記，「十四日宿吐魯番，……十五日夜行六十里，大墩尖。（距布幹臺五里。）」按斯坦因圖，布幹西南有 Ta-tun 卽其地，漢語之音譯也。

(65) 布雅里克

見武昌圖，在東哈雅爾卡東北；按斯坦因圖，其地有達坂名 Buyuluk，是

也。

(66) 河色爾僧吉爾

見武昌圖，在闢展北，漢敦東北。按此當是斯坦因圖之 Kizil-singer，腹裏亞洲云：singer 或是波斯文 sangar 之變式，猶云石堆或蔽身壘也，在吐魯番別處係用以指示突出之石山（七二二頁注九）。余按突厥語 singir，此云筋腱，山石暴露，可比於筋腱脹突，余意此名猶云赤腱耳。（kizil 赤也。）

茲再將漢、回名皆詳者略依回名字母爲次，漢名則準年代先後，列表便檢。其有古名於本文始行考定者，行首用○記之。

Aghiz, aghzi 愛克斯（辛卯侍行記）

Anajan-karez 安昌城（新唐地理志）安濟彥（同文志）涼州工（回疆通志）安集彥（三州輯略）安吉彥（新疆識略）。

○Arghai-bulak, Aighir-bulaq. 畏者兒卜刺（西域行程記）（新考定）哈爾起布拉克卡倫（識略）阿哈爾布拉克（莎車行記）。

○Astana 武城（范善專誌）我答刺城（西域土地人物略）（新考定）阿斯塔克（同文志）阿思塔納（通志）阿斯塔納（輯略）阿斯訥塔（武昌圖，訥塔二字乙）。

Bai-yang-Xo 柏楊河（輯略）白楊河（同上）山陽驛（同上）。

Bejan-tura ?布干（西域圖志）。

Bir-bulak 塔而布拉克（侍行記）英子樹（同上）。

Began-ture 無半城（大慈恩傳）布干（同文志）布幹（西域聞見錄）波袞（輯略）。

Buluyuk, Bulayiq, Buleghi 布拉里克（同文志）蒲桃溝（侍行記）。

Buyuluk-dawan 布雅里克（武昌圖）。

?Chalkan-ghol 汗和羅（同文志）罕和羅（輯略）。

Chiqtim, Chiktam 赤亭口（岑參詩）赤亭（通典）澤田寺（王延德行記）鐵堠子（耶律希亮）赤亭（行程記）齊克塔木（同文志）七克騰木（聞見錄）齊克騰木（輯略）齊克特木（武昌圖）七克騰（侍行記）七

格騰木(西疆雜述詩)。

?Chong-karez 東坎兒(侍行記) 柳樹泉(同上)。

Chuben-qur, Chuwankir 玉門口(圖志) 小城子(侍行記)。

○Dakia-us-shahri Daqjanus-shahri; Idikut-shahri. 高昌(漢書) 和州(遼史) 的斤城(今定) 亦都護城。

○Dama 倭鼻城兒(人物略)。

○Deghar, Dighar 大海(西州圖經)。

Dung-Xo 東湖(侍行記, 非西域圖志之東湖)。

Hang 洪(同文志) 洪城(武昌圖)。

Hasar, Hassar 赫色爾(通志) 和色爾圖喇(輯略) 和色爾圖拉(識略)。

Hsi-yen-ch'ih 鹽池(聞見錄) 西鹽池驛(侍行記)。

Ilanliq 伊拉里克(同文志) 伊拉里卡倫(通志)。

Kagha-tura 哈克吐兒(侍行記) 三十里墩(同上)。

Kara-khoja, Qara-Xodza, Qara-Xoja 哈刺和綽(圭齋集) 火州(元史)

哈刺和州(元世祖紀) 哈刺霍州(元史阿求傳) 哈刺火州(元史耶律希亮傳)

合刺和州(元史) 交州(元史巴而求傳) 合刺火者(經世大典圖)

哈喇火州(人物略) 哈喇和卓(同文志) 哈拉火卓(聞見錄) 哈拉哈酌

(通志據西陲紀略引舊志) 喀喇和卓(通志)。

?Kara-yagach 哈喇二工(通志)。

karez, kariz 卡爾(輯略) 坎爾(侍行記) 坎兒(同上) 卡兒水(雜述詩)。

Khando, Xan-du 罅都(圖志) 漢墩(同上) 漢敦(武昌圖)。

Kiliklik 克勒克(侍行記) 土墩子驛(同上)。

Kindik 根特克(輯略) 根忒克(同上) 磬磬溝(侍行記) 蘆溝驛(同上)。

Kizil-singer 河色爾僧吉爾(武昌圖)。

Kak-yar 呵呵雅爾(通志) 哈哈雅爾卡(武昌圖) 柯柯雅爾(侍行記)
柯柯雅(鄯善鄉土志)。

Kum-(Qum-) tagh 沙山(圖志)。

○Lamjin, Lemjin, Lemdzin, Lemchin. 懶真城(人物略)(今考定)
連木齊木(同文志) 勒木沁(通志) 連木沁(萬里行程記) 雅木沁(新疆
或西陲要略) 勒木津(輯略) 勒穆金(武昌圖)。

Lampu-karez 南平城(新唐地志) 勒木丕(同文志) 勒木批(武昌
圖)。

Lampchuk 納職縣(唐) 拉布楚喀(圖志) 五(?)四堡(同上) 拉
普楚(一統志)。

Lop 羅卜(元史) 羅不(同上) 羅布(肅州新志) 洛普(水道提綱)。

○Lukchun Lykchyn 柳中(後漢書) 六種(王延德行記) 魯克塵
(經世大典圖) 魯陳城(行程記) 柳城(鄭曉四夷考) 柳陳城(四夷館
考) 魯珍城兒(人物略)(今考定) 魯克齊穆(康熙末官書) 魯谷慶(雍
正十年官書及肅州新志) 魯克沁(同文志引) 魯克察克(同文志) 魯古沁
(聞見錄) 陸布沁(同上) 魯普秦(圖志引) 魯布沁(通志)。

Murtuk, Murtuq 穆圖拉克(同文志) 穆爾圖拉克(輯略) 木頭溝(侍
行記)。

○Pichan 蒲昌縣(唐) 寶莊(王延德行記) 必殘(西域行程記)(今
考定) 北昌(人物略) 皮禪(康熙五九官書,又肅州志程途紀略,三州輯略
及莎車行記誤爲通鑑。) 闢展(同文志)。

Sengim, Senggim, Singim. 新興(南史) 新興谷(太平興國木柱刻文)
僧尼木(同文志) 色更木(聞見錄) 森尼木(圖志) 滲金口(同上) 色
庚木(通志) 勝金(同上) 僧吉木(輯略) 僧吉穆(武昌圖)。

Shoge, Shurge 楚輝(同文志) 舒歸(輯略)。

Sirkip 色爾啓布(同文志) 色爾奇布(輯略)。

(1) Su-bashi, Supa-syji 蘇巴什(同文志) 蘇巴什莊(武昌圖)。

○(2) Su-bashi 蘇把赤(人物略)(今考定) 蘇巴什臺(圖志)(蘇把什(輯略))。

Suluktu 蘇魯圖(聞見錄) 索魯圖(輯略)。

Ta-tun 大墩(莎車行記)。

Taze 特斯(同文志) 六十里墩(侍行記)。

○Tim 亭(今考定)。

○Toksun, Toqsun, 篤進(南史) 天山縣(唐) 他古新(元史地志) 托遜(西域行程記)(今考定) 托克三(同文志) 托克遜(同上)。

Toquz, Tuguz 特庫斯(同文志) 禿古斯卡倫(通志) 沈古斯卡倫(輯略)。

Turpan, Turfan 古名別考 土爾番城(行程記) 土魯番(人物略及四夷館考) 吐魯番(乾隆廿二旨改) 吐爾番(同文志) 圖爾璠(侍行記)。

○Toyuk, Toyoq, Tuyoq, Tuyuq. 丁谷(西州圖經)(今考定) (土域溝(圖志) 土玉溝(通志) 托欲克(武昌圖))。

○Yamshi, Yemshi, (? Yakhshi) 鹽城(梁四公記)(今證實) 鹽澤(番國志)(今考定) 雅木什(同文志)。

○Yankhe, Yan-Xi, Yang-Xi. 羊黑城兒(人物略)(今考定) 洋海(雍正十年官書) 洋赫(圖志) 英格(識略)。

Yar-bashi 雅爾巴什莊(侍行記)。

○Yar-khoto 交河(漢書) 崖兒城(西域行程記)(今考定) 招哈和屯(圖志) 雅圖(同上) 雅爾湖(輯略) 雅爾(武昌圖) 雅爾河(侍行記)。

Yutogh, Yutuq 雅圖庫(同文志) 丫頭溝(通志) 雅土溝(輯略) 雅士(土)溝(武昌圖)。

抗戰總動員之年，除夕，述記於四川南溪。

吐魯番屯田有安展，又作安占(見回疆通志及三州輯略)，似即安濟彥之異譯，待考實。仲勉附識。